

Te Mātātuhi Papatahi #1

Relief Printing #1



Ngā Taputapu




- He waituhi, he peita rānei
- He rango, he paraihe rānei
- He rākau ahiparaka
- He perēhi, he rango rānei
- He pepa
- He puka terewhōno, he niupepa rānei
- He hanga nō te taiao
- He papa kirihou mātotoru

Te mātātuhi papatahi - hanga o te taiao, he hanga papanga hoki

Ko tētahi mātātuhi māmā rawa atu ko te tiki atu i tētahi hanga i te taiao, me te pani i taua hanga ki te peita, ki te waituhi rānei, hei tā ki te tēpu.


1. Whakatakotohia he huinga hanga nō te taiao (rau, raukura, putiputi, aha atu) hei huinga hanga papanga, ki te pokapū o te tēpu.
2. Tikina tētahi o ngā hanga.
3. Whakaritea te waituhi me te hanga:
4. Penua he waituhi ki te papa kirihou mātotoru, whakamahia tētahi rākau ahiparaka.
5. Apua katoatia te rango ki te waituhi.
6. Horahia katoatia te waituhi ki te hanga (rau/papanga)



Te mātātuhi papatahi - hanga o te taiao, he hanga papanga hoki

7. Whakatakotohia te hanga ki runga i tētahi pepa o te puka terewhōno, ko te taha waituhi e ahu whakarunga ana.
8. Whakatakotohia he pepa ki runga i te hanga.
9. Pīrorihia te rango roa ki te pepa kia pai ai te piri o te waituhi ki te pepa.
10. Āta wetekina atu te pepa kia kua te waituhi e ukuparatia.
11. Kua puta ki te ao mārama!





Tāmokohia

1. Ko tētahi tikanga o te ao mahi toi, kia waitohua, arā ia kia tāmokohia ngā mahi e te ringa nāna taua mahinga toi i whakaputa. Mā konei e piki ai te uara o te mahi toi, e mōhiohia ai hoki he tūturu tonu te mahinga toi nā taua tangata tonu i whakaputa.
2. Mēnā he maha ngā kape o te mahinga toi e whakaputaina ana, pērā i ngā mātātuhi kaupeka, me tuhi he tau motuhake mō ia tānga, pēnei i te taurira nei, 1. 20/200
3. Ko te tikanga o te '1' e mea ana, koia nei te mātātuhi tuatahi o tētahi huinga mātātuhi. Ko te '200' hei whakaatu i te maha katoa o ngā tānga o tēnei mātātuhi i whakaputaina. Ko te '20' te tau motuhake o tēnei tānga